

ODLUKU**O ODOBRAVANJU I ISPLATI JEDNOKRATNE
NOVČANE POMOĆI LICIMA U STANJU SOCIJALNE
POTREBE****Član 1.**

Ovom Odlukom utvrđuje se postupak za odobravanja i isplate jednodratne novčane pomoći licima u stanju socijalne potrebe.

Član 2.

Jednodratna novčana pomoć može se dodijeliti licima utvrđenim Zakonom o socijalnoj zaštiti, zaštiti civilnih žrtava rata i zaštiti porodice sa djecom kao i licima koje predloži Služba za boračko-invalidsku, socijalnu zaštitu i raseljena lica.

Član 3.

Postupak za odobravanje jednodratne novčane pomoći provodi Služba za boračko-invalidsku, socijalnu zaštitu i raseljena lica, a na osnovu pismenog zahtjeva podnosioca.

Jednodratnu novčanu pomoć odobrava Općinski načelnik na prijedlog komisije općinskog vijeća za zdravstvo, informisanje, socijalna i vjerska pitanja.

Član 4.

Jednodratna novčana pomoć može se dodijeliti u novcu ili naturi, ukoliko postoji bojazan da bi se naknada nenamjenski utrošila, a o čemu odlučuje Služba iz člana 3. stav 1. ove Odluke.

Novčana pomoć u novcu ili naturi može iznositi najviše do 100,00 KM, a može se dodijeliti jedanput u toku kalendarske godine.

Član 5.

Ukoliko se radi o dodjeli jednodratne pomoći na ime liječenja, ista će se prvenstveno odobravati licima oboljelim od karcinoma, leukemije i TBC i to u iznosu do 300,00 KM, a za liječenje u inostranstvu u iznosu do 1.000,00 KM.

Član 6.

Isplata jednodratne novčane pomoći vršit će se putem žiro računa, a u izuzetnim slučajevima putem blagajne Općine Ilijaš.

Član 7.

Licu koje se nade u stanju izuzetne socijalne potrebe Općinski načelnik, a na prijedlog Službe za boračko-invalidsku zaštitu, socijalnu zaštitu i raseljena lica Općine Ilijaš može dodijeliti izuzetnu novčanu pomoć, a koja se utvrđuje do visine 40% prosječne plaće u Kantonu Sarajevo i može se dodijeliti istom korisniku samo jedanput u toku kalendarske godine.

Član 8.

Stupanjem na snagu ove Odluke prestaje da važi Odluka o odobravanju i isplati jednodratne novčane pomoći ("Službene novine Kantona Sarajevo", broj 01/04).

Član 9.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01/1-02-2722-15/2014

30. decembra 2014. godine

Ilijaš

Predsjedavajući

Općinskog vijeća Ilijaš

Damir Filipović, s. r.

Na osnovu člana 44. stav 4. i 5. i člana 47. Zakona o pravobranilaštvu ("Službene novine Kantona Sarajevo", br. 33/08 - Novi prečišćeni tekst) i člana 55. Statuta općine Ilijaš - Prečišćeni tekst ("Službene novine Kantona Sarajevo" br. 20/09) Općinsko vijeće Ilijaš, na 25. sjednici od 30.12.2014. godine, donijelo je

ODLUKU**O POVJERAVANJU VRŠENJA POSLOVA
PRAVOBRANILAŠTVA KANTONA SARAJEVO
ZA 2015. GODINU****Član 1.**

Ovom Odlukom se daje ovlaštenje Pravobranilaštvu Kantona Sarajevo kao davaocu usluga da zastupa Općinu Ilijaš kao korisnika usluga pred sudovima i drugim nadležnim organima.

Član 2.

Radi zaštite imovine i imovinskih interesa Pravobranilaštvo Kantona Sarajevo će da brani i zastupa Općinu Ilijaš i vrši poslove

u ime i za račun Općine Ilijaš pred sudovima i drugim nadležnim organima.

Član 3.

Ovlašćuje se Općinski načelnik da kao korisnik usluga zaključi Ugovor o međusobnim pravima i obavezama sa Pravobranilaštvom Kantona Sarajevo kao davaocem usluga.

Ugovorom će se regulisati da Pravobranilaštvo Kantona Sarajevo zastupa Općinu Ilijaš u svim predmetima u skladu sa Zakonom o Pravobranilaštvu kao i obavezu podnošenja godišnjeg izvještaja o radu Pravobranilaštva Općinskom vijeću Ilijaš.

Visina novčanih sredstava za obavljene poslove davaocu usluga koja u 2015. godinu ne može biti veća od 24.000 KM odnosno mjesečno 2.000 KM.

Član 4.

U budžetu Općine Ilijaš obezbijedit će se sredstva za rad Pravobranilaštva Kantona Sarajevo u skladu sa članom 3. ove Odluke.

Član 5.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 01/1-02-2722-20/14

30. decembra 2014. godine

Ilijaš

Predsjedavajući

Općinskog vijeća

Damir Filipović, s. r.

Na osnovu člana 29. stav 1. tačka 4. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00), člana 55. stav 1. tačka 4. i člana 105. stav 2. Statuta Općine Ilijaš ("Službene novine Kantona Sarajevo", broj 20/09), Općinsko vijeće Ilijaš na svojoj sjednici održanoj dana 30.12.2014. godine donosi

RJEŠENJE**O RAZRJEŠENJU ČLANA, A TIME I ZAMJENIKA
PREDSJEDNIKA KOMISIJE ZA KULTURU I SPORT****Član 1.**

Razrješava se dužnosti člana, a time i zamjenika predsjednika Komisije za kulturu i sport Mahir Brkić, predstavnik Saveza za bolju budućnost BiH.

Član 2.

Ovo rješenje stupa na snagu danom objavljivanja u "Službenim novinama Kantona Sarajevo".

Broj 01/1-02-2722-16a/14

30. decembra 2014. godine

Ilijaš

Predsjedavajući

OV-a Ilijaš

Damir Filipović, s. r.

Na osnovu člana 29. stav 1. tačka 4. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), člana 55. stav 1. tačka 5. i člana 105. stav 2. Statuta Općine Ilijaš ("Službene novine Kantona Sarajevo", broj 20/09), i člana 151. Poslovnika Općinskog vijeća Ilijaš ("Službene novine Kantona Sarajevo", broj 2/10), Općinsko vijeće Ilijaš, na svojoj sjednici održanoj dana 30.12.2014. godine, donosi

RJEŠENJE**O IZBORU ČLANA, A TIME I ZAMJENIKA
PREDSJEDNIKA KOMISIJE ZA KULTURU I SPORT****Član 1.**

Za člana, a time i zamjenika predsjednika Komisije za kulturu i sport bira se Ismet Džananović, predstavnik Saveza za bolju budućnost BiH.

Član 2.

Ovo rješenje stupa na snagu danom objavljivanja u "Službenim novinama Kantona Sarajevo".

Broj 01/1-02-2722-16b/14

30. decembra 2014. godine

Ilijaš

Predsjedavajući

OV-a Ilijaš

Damir Filipović, s. r.

Na osnovu člana 29. stav 1. tačka 4. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00), člana 55. stav 1. tačka 4. i člana 105. stav 2. Statuta Općine Ilijaš ("Službene novine Kantona Sarajevo", broj 20/09), Općinsko vijeće Ilijaš na svojoj sjednici održanoj dana 30.12.2014. godine donosi